

La reet. ("la reit")

E sa par casu 'n dì ta sa daras na scosa

(senza però rump quel'equilibriu cà l'è 'n tì)

par rigordà magari ca anca i altri i gan insömi,

insigürezzi e spazi, ca i vulesan sa tignì,

In quel mument al ta sarà ciaiàr

ca sem tücc in 'na gran ret (miga sügur quela pustiza),

ma quela forta, ca la ta porta o ca ta mola e ca a volti,

la ta pesa.

Propri "quela" ca pasa dal fond di öcc e da li man,

ca la nas e ca la mor ma la cuntinua a sa rinovà

e la sa speita, miga par casu

ca la tua part ta la possias la cüntà!

Sem miga fait da fil da fer e men amo da goma

ma tücc plütost visin a la camisa,

sem cumplicai, ura fort, ura fiacc, dificii da capì...

E sa quest al füss al bel da la facenda?

E sa cerchesum cui nos talent,

dai met in plaza d' par d'?

In quest casu la ret la sa tramüta, in ütil e grand divertiment!